

Nwàk nè Tε' nè JON à Còom

Jon à còm nwàk nè tε' ènə ngòkwasə nwə nəmòk nè liŋ ye à ye də Gayòs bùusè nà' à sə tesə bùu sè wo à sə tsòho Ntirè nè Bèboŋ nə. Yi sə fa nà' ntip də nà'a jəŋ ŋkərə bùu nwə nè bup nè wo togè yi də Diyotrefis nà'a.

¹ Còm nwàk nè'e mù nè mɛ ŋkwà'ŋwè mɛ cos. Mù còm nà' ngòcəpsə ŋge' àm Gayòs nè mù dzəm yi nèbup.

² Nge' àm Gayòs, mù sə leŋ fa wu pìriyà duk də bum pwe' ye bèboŋ bohòwù. Nə ye sè' də wu cu, yiyaŋ kà wu ya, mvè'nè yòŋsè yòcu sè' bèboŋ yà'a. ³ Mù à kwa ŋkùuŋntèŋ bùusè bwema mok à vè, nə tsok fa mɛ də wù sə yù zìnə nə bə ntum yòpwe'. Wo a duk də wù sə yù zìnə nə vε'nə ghà nè fòlòŋ. ⁴ Mvè'nè mɛ yuk-a də bwe am sə yù zìnə nè Tà Nwì à fa ves, fana ncèp ànə gɛ mɛ, mù kwa càsə yà pwe'fo'.

Jon Kwasə Gayòs

⁵ Nge' àm, wù sə gù yusè yà'a zìnə mvè'nè wù sə tesə bwema sè ndzə ni'ì Jisòs, ŋga a ye-a sè də wo ŋkùuŋ bohòwù na. ⁶ Bùu sè wù a tesə wo yà'sə a tsè' fa cos nè feŋ nə mɛmvè'nè wù dzəm wo, nə sə tesə wo. Kwəkwè', sə tesə mali wo mɛmvè'nè wo sə gi yà'sə, bùusè nà'a mandzè nè aco krətèŋ tse' ngòfàk bohòNwì. ⁷ Bùu yè'sə wèŋ a tesə lònŋgòfàk bohòJisòs Krest, nə kà yumok

bohòbùu sè wo ka Nwì riŋ wèŋ jə lok. ⁸ Ye də a bə̀boŋ bohòvesùwèŋ krətèŋ ɲgòtəsə bùu yè'sə, ya yà'a ye də vesùwèŋ be'lə bo venəwèŋ bə fàak sè zìnə sè wo sə gùu sə.

Jon Də Nà'a Sə Kərə BohòDiyotrefis, Nə Sə Kwasə Dimàtiròs

⁹ Mù a còm mɔŋwàk nəmòk, nə tum fa gesə lo cos nə, fana Diyotrefis kà nà' yuye co còm nà' ɲwè jə, də yi dzəm ɲgòye ɲwè nè ghaŋ yi. ¹⁰ Mù vè nùu ɲkuŋ mù gù bwiŋ riŋ yusè yi sə gù yà'sə. Yi sə caŋsə ncəncəŋ bə liŋ am. Yu nè nà' bɔp càsə cùu, nsàp nè yi sə dzèeŋ də krətèeŋ sè wo vè mvwe' lak mok wèeŋ kà mɔ nda'à yi nòòŋ, nə sə lok mandzè bohòbùu sè wo sə dzəm ɲgòtəsə krətèeŋ yè'sə. Yi yə-a bùu sè wo dzəm ɲgòtəsə wo fana yi sə lap mandzè ɲgòbɛ' fis yà' mɔ cos.

¹¹ Fana wù ɲge' àm, mù ka dzəm də wu yuŋ mandzè nè ɲgògù nsàp bɔp ànə dzəm, yù lɛ mandzè nè ɲgògù bə̀boŋ. Bɔsə ɲwè nè yi gùgè-a bə̀boŋ fana yi ɲwəə Nwì. ɲwè nè yi gùgè ye bɔp ka Nwì ntòye yuk. ¹² Dimàtiròs ye ɲwè nəmòk nè bwiŋ pwe' sə duk də yi sə gù bə̀boŋ. Bə̀bo nè yi sə gù nə sə nitsə' də yi ɲwè nè bə̀boŋ anə zìnə. Fana mù dzəm yàm sè' də yi bə̀boŋ anə. Wù rì də yusè mɔ cèpgè yà' ye zìnə.

Ncèp Nè ɲgòLəsə

¹³ Bum ɲkùuŋntèŋ sè mù tse' ɲgòcòm fa wu, fana mɔ nə kà yà' ndzənə ɲwàk còm yiskok.

¹⁴ Bɔsə mù sə lap mandzè mvək momjo ɲgòkè yə wu, ya ɲga vesùu yenə lis, nə taan ɲgàm.

¹⁵ ɲge' àm, cum còŋ. Bùu ɲge' yo sè wo cu fɛeŋ

cèpsə gèsə wu pwe'fo'. Cèpsə fa ves ηge' avès
wèη mò'fis mò'fis.

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 22 Feb 2024 from source
files dated 29 Jan 2022

c475d5b3-da44-51cf-93ca-f255b72fe481